

1613_298.jpg

298

M. D. C. X I I I.

ment accommoder de fontaines ce Palais qu'elle faict bastir, mais aussi l'Vniuersité de Paris, ayant trouué vne grande & belle source d'eaux au dessus du village de Rungis, vne lieuë & demie au delà de Cachan, elle faict faire vn canal de pierres cimëtees qui aura quatre lieuës de longueur, pour cōduire ceste source d'eaux à Paris: Ce canal a esté tellement aduancé que en l'an 1615. il est a plus de la moitié faict, avec toutes les arcades sur lesquelles il doit trauffer la prairie d'Arcueil, qui sont plus hautes de six toises que n'estoient les deux piles de brique restees de l'Arc Iulian que l'on a abatuës.

*De la Con-
jonction des
Mers.*

*Charles Ber-
nard a faict
vn Traicté
de ceste Con-
junction.*

Aussi en ceste annee la Royne Regente fit proposer au Conseil (sur l'aduis qu'il luy en fut donné) De conjoindre les Mers Mediterranee & Occeane, par les riuieres de France qui ont leur source en Bourgongne: Ce que l'on pouuoit faire avec vn canal, & des ecluses & portaux, qui est vne inuention moderne, laquelle ignoree de l'antiquité, tels assembléments de Mers & de Fleuves n'auoient iadis esté faicts.

Entr'autres propositions ceste cy se trouua la plus facile, Qu'il failloit conjoindre par vn canal les riuieres d'Ouche, & d'Armançon, entre lesquelles il y auoit peu de distance: Pour ce que la riuiere d'Ouche portant des bateaux assez pres de Dijon, alloit descendre dans la Saone, & la Saone dans le Rosne, & le Rosne dans la Mer Mediterranee. D'autre costé, que la Riuiere d'Armançon (qui

portoit
bar) con
ne, & la
qu'en co
& d'Arn
l'endroi
d'Arman
ment sur
3 lieuës
droit ce
Mers: ce
commoc
le troubl
empesch
On a e
Archidu
faire des
lesquels
à Bruxell
en Zelant
Tous c
prennent
moire ere
sterité ad
void don
cy dessus
ment tra
rat: La Tr
La Polog
par les M
Empereur
lemagne o

1613_299.jpg

Seconde Continuation. 299

portoit aussi balteau iusques aupres de Mombar) tomboit dans Yonne, Yonne dans la Seine, & la Seine dans la Mer Occéane: tellement qu'en conjoignant ces deux Riuieres d'Ouche, & d'Armançon, par vn canal que l'on feroit à l'endroit de Groisbois qui est sur la riuere d'Armançon, & qui tireroit droit à Chasteaumeuf sur la riuere d'Ouche, où il n'y auoit que 3. lieues de distance de l'un à l'autre, on cōjoindroit ces deux riuieres, & par elles les deux Mers: ce qui apporteroit vne grande vtilité & commodité au trafic, & à toute la France. Mais le trouble aduenü és deux années suivantes a empesché l'exécution de ce Royal dessein.


On a escrit aussi qu'en ceste mesme année les Archiducs Albert & Isabelle ont entrepris de faire des canaux en la Comté de Flandres par lesquels les nauires pourroient nauiger & aller à Bruxelles, sans estre subiectes de plus passer en Zelande, & par la riuere de l'Escau.

*Canal de
Flandres.*

Tous ces grands ouvrages publics qu'entreprennent ainsi les Souuerains vont à vne memoire eternelle de leur nom, & font que la posterité admire les années de leur Empire. Il se void donc par le rapport de toutes les Relations cy dessus, Que la Lombardie a esté grandement trauaillée par la guerre du Montferat: La Transylvanie par les armées des Turcs: La Pologne par les Mutinez: Et la Lithuanie par les Moscouités conduits de leur nouveau Empereur: Que les Eslecleurs & Princes d'Allemagne ont esté diuisez en leurs pretentions,

*Recapitulatiō
de l'estat des
Princes de
l'Europe durant ceste
année.*

1613_300.jpg



300 M. D. C. XIII.

aussi bié qu'en Religion: Les villes Anſiaticques & Imperiales eſtans en crainte, ont recherché l'Union des Eſtats de Holande. Le Roy de Danemarck ayant paix avec celui de Suede, auoir eſté cōme contraint de l'entretenir avec ſes voiſins: La Flandre & Hollāde eſtre en paix. L'Angleterre en nopces: L'Eſpagne paſſible: L'Eſtat del'Egliſe pacifique: Et la France floriffante en la continuation de ſa paix: Le Roy & la Royne Regente ſa mere ne penſans qu'à la procurer entre tous leurs voiſins, faire des Congregations de perſonnes de pieré & deuotion, les eſtablir en diuerſes villes de France, & faire des ordonnances pour taſcher à retrancher la ſuperfluité aux habits, & faire vne reformation generale des Hoſpitaux & Maladeries.

*Reglement
sur les super-
fluites, des
habits & des
maisons.*

Pour le luxe & la ſuperfluité des habits, par Edict du mois de Mars, veriſié en Parlement le deuxieſme Auriſ 1613. Il fut, 1. Enjoinct aux gens d'Egliſe à l'aduenir, de ſe veſtir modeſtement: 2. Deffendu à toutes perſonnes de porter des habillemens ſur leſquels il y euſt aucun or ou argent, à peine de quinze cents liures d'amende, ne D'vſer d'ouurages en broderie, & de tous paſſemens de Milan, à peine de mill liures. 3. Permis ſeulement l'vſage de l'or, argēt & broderies aux ceintures, pendans d'eſpee, cordons de chapeau, & aux collets & portefraieſes des femmes & filles, & pareillement les dorures des gardes d'eſpees, armes, eſperons, mors de cheuaux, & eſtriez. 4. Faiet deſſenſes de dorer carroſſes, ny d'vſer de dorures aux ba-

1613_301.jpg

Seconde Continuation.

302


stiments, soit en plomb, bois, pierre & plastre, à peine de mil liures : Et à tous Gentils-hommes de ne vestir leurs Pages que d'habits d'estoffe de laine avec vn bord de passement. Et aux Tailleurs, Brodeurs, Pourpointiers, Chaussiers, & autres ouuriers, de ne faire aucuns habillements des estofes deffendues, à peine de trois cents liures. Toutes lesquelles amendes seroient applicables le tiers au Roy, le tiers aux pauvres enfermez, & l'autre tiers au denonciateur.

Aussi suivant les Lettres Patentes de Declaration pour la reformation des Hospitaux, Hostels-Dieux & Maladeries verifiees au Grand Conseil, au mois de Juillet de ceste annee 1613. fut estably vne Chambre pour la generale reformation desdits Hospitaux, Hostels Dieux, Maladeries, Aumosneries, & autres lieux pitoyables, composee de quatre Maistres des Requestes de l'Hostel, quatre Conseillers du Grand Conseil, pour avec Mr. le Cardinal du Perron Grand Aumosnier de France, & ses Vicaires, vacquer exactement à ladite reformation, & cognoistre & decider de tous proces & differends concernans lesdits Hospitaux & Maladeries.


*Establissement
d'une Cham-
bre pour la
reformation
des Hospi-
taux, Mala-
deries, &
Hostels-
Dieux.*

Voilà les relations des choses plus remarquables aduenues en ceste annee. Passons à l'an mil six cents quatorze, Où la France se verra en armes, puis en Paix, & le Roy déclaré Majeur assembler les Estats: Où on verra les Imperiaux qui vouloient remuer en Transilvanie en estre

1613_302.jpg



1613_240_8.jpg



248
M.D.CXIII.
 de sept toises, composé de huit portaux à chas-
 que face, & de quatre piramides de douze pieds
 de circonference, toutes garnies de lances à
 feu: au milieu estoit vn donjon avec vne Cou-
 ronne Imperiale, & les armes du Roy & de la
 Roynie au dessous, entouré de girandoles, & sur
 chaque portail il y auoit cent lances à feu, &
 autant à l'entour.

Les fuzees des petits forts ayans mis le feu à
 tous ces portaux, il dura demy quart d'heure:
 puis on le meit à vne des dix rōdaches de l'Isle,
 qui estoit composee de deux cents fuzees, les-
 quelles monterent en l'air toutes en vn coup:
 en retumbant en bas ils paroissoient en arc, &
 sembloit que les feux du Ciel tumbassent dans
 l'eau. Apres il partit du Chasteau des fusees qui
 meirent le feu à vne infinité de lances à feu &
 de saulsiſſons: & en mesme temps le chariot s'ap-
 procha du chasteau, qui en estoit esloigné de
 deux cents pas: où il meit le feu aux quatre
 piramides, lesquelles ne ceſſerent de tourner
 durant qu'il y eut de la poudre. Ce fait, le feu
 se prit en mesme temps à vne autre rondache
 de deux cents fusees à estoilles, lesquelles don-
 noient iusques au ciel, & retumbans aussi en bas
 on pensoit que celles du ciel les accompagna-
 ſent en leur cheute.

En suite le feu se prit aux balustres, où il y a-
 uoit cent lances à feu garnies de saulsiſſons ſans
 nombre, qui dura fort long temps: puis s'enuala
 la troisieme rondache de trois cents fusees, &
 apres cinquante boëtes, portans pots à feux en

1613_065_01.jpg

Seconde Continuation.

65

& faisant mille gentilleses à la villageoise, ils
finirent ceste Masquerade. Voilà les exercices
& belles recreations que l'on fit à Vienne au
mois de Feurier en la Cour de l'Empereur.
Allons en Angleterre pour voir la ceremonie
de la feste de l'Ordre de la Jarretiere, en laquel-
le l'Esleeteur Palatin, & le Prince Maurice de
Nassau receurent l'Ordre: & le Mariage du
dit Esleeteur avec la Princesse Elizabeth fille
du Roy de la Grande Bretagne.

Au mois de Decembre de l'an 1612. ledit Roy
conuoqua le Chapitre des Cheualiers de l'Or-
dre de la Jarretiere, ou de S. George, où il fut
arresté que la ceremonie se tiendrait à Vinde-
sore, le 4. Feurier selon le stile ancien: En la-
quelle seroient receus Cheualiers, l'Esleeteur
Palatin, & le Prince Maurice de Nassau: Mais
pour ce que ledit Prince estoit en Holande,
l'Ordre luy seroit enuoyé, & cependant requis
de mander vn Cheualier pour estre en la place
à ladite ceremonie. Le Prince Maurice ayant
eu aduis de ceste Eslection, enuoya pouuoir au
Comte Guillaume de Nassau de comparoistre
en son nom à ceste Feste.


*L'Esleeteur
Palatin, &
le Prince
Maurice,
esleus Che-
ualiers de
l'Ordre de la
Jarretiere.*

Le Roy desirant que son Excellence receust
ledit 4. Feurier, l'Ordre, enuoya Garter son pre-
mier Heraut d'armes, avec lettres de sa part,
& vne commission au Cheualier Vinvod son
Ambassadeur en Holade pour le luy presenter.
Voicy les Lettres qu'il luy escriuit, & en suite
la Commission.


*Le Roy de la
Grand' Bre-
tagne enuoye
l'Ordre de la
Jarretiere au
P. Maurice.*

Mon Cousin, L'estime de vos vertus, & les
d second.

1613_065_02.jpg



1613_065_03.jpg



1613_065_04.jpg




Image issue du site mercurefrancois.ehess.fr - Cliché (c) Cécile Soudan